

ՀՀ ԿՐԹՈՒԹՅԱՆ, ԳԻՏՈՒԹՅԱՆ, ՄՇԱԿՈՒՅԹԻ ԵՎ ՍՊՈՐՏԻ ՆԱԽԱՐԱՐՈՒԹՅՈՒՆ



«Հրազդանի Խ.Աբովյանի անվ. թիվ 1 ավագ դպրոց» ՊՈԱԿ

ՀԵՐԹԱԿԱՆ ԱՏԵՍՏԱՎՈՐՄԱՆ ԵՆԹԱԿԱ
ՈՒՍՈՒՑԻԶՆԵՐԻ ՎԵՐԱՊԱՏՐԱՍՏՄԱՆ
ԴԱՍԸՆԹԱՑ 2022

ՀԵՏԱԶՈՏԱԿԱՆ ԱՇԽԱՏԱՆՔ

Թեև՝ Սովորողների ինֆորմացիայի և ստեղծագործական ակտիվությանն ուղղված մեթոդների արդյունավետ ընտրությունը

Կատարող՝ Վիկտորյա Աբադյան

Առարկա՝ Հայոց լեզու և հայ գրականություն

Ուսումնական հաստատություն՝ «Հրազդանի Լ.Խեչոյանի անվան

թիվ 10 ավագ դպրոց» ՊՈԱԿ

ՀՐԱԶԴԱՆ 2022

ԲՈՎԱՆԴԱԿՈՒԹՅՈՒՆ

1. Ներածություն _____ 3
2. Հետազոտության փորձարկումն ու ներդրումը _____ 5
3. Եզրակացություն _____ 21
4. Օգտագործված գրականություն _____ 22
5. (Հավելված 1, դասապլան 1): _____ 23

ՆԵՐԱԾՈՒԹՅՈՒՆ

... Բուրբ մտածող էակները տարբեր են, բայց և նրանք բուրբն էլ խորքում իրար նման են իրենց սրված մտածելու հատկությամբ և ցանկություններով:

Վուլտեր «Միկրոմեգաս»

Ինչն^օ ընտրեցի «Սովորողների ինֆնուրայնությունն ու ստեղծագործական ակտիվությանն ուղղված մեթոդների արդյունավետ ընտրությունը» թեման:

Գրավեց «ստեղծագործական» բառը:

Ինձ համար կարևոր են իմ աշակերտների հոգևոր դաստիարակությունը, նրանց աշխարհահանաչողությունը, ստեղծագործական միտումները, մտքի խորհրդավոր ծլարձակումը, որ հետո դառնում է արարում:

Ես սիրում եմ Օգյուստ Ռոդենի «Աստծո ձեռքը» ֆանդակը:

Աստված արարում է մարդուն. սա արարման աստվածաճնչյան պատումի հրաշալի մեկնությունն է:

Ստեղծել, ափնել, ներշնչել...

Ամենագեղեցիկ մտածումն անգամ արժեք չի ունենա, եթե չկա արարման ձգտումը: Եվ ոչ մի արարում հավերժ չի լինի, եթե ծնված չէ մարդու հանդեպ խորագույն սիրո մտածումից:

Իմ հետազոտական աշխատանքի նպատակը ցանկանում եմ ձևակերպել Վահան Տերյանի «Հոգևոր հայրենիք» հոդվածի մի ֆանի կարևորագույն մտքերով(սա ևս մեթոդ է).

ա) սովորեցնել աշակերտին, որ մայրենի լեզուն «կուլտուրայի ամենահեզոքիտ ու անսխալական նշանացույցն է, մարդու ամենահավատարիմ ու անդավաճան միջնորդիչն ու սփռվիչը՝ անխոս բնության, անբարբառ տիեզերքի առջև»,

բ) սովորեցնել, որ «մի Բաֆֆի, մի Արծրունի, մի Նալբանդյան, մի Դուրյան նույնպես ասպետներ են, ինչպես կովի դաշտում իրենց կյանքը գոհաբերած հերոսները: Անվերջ գրկանքների և վսեմ մի հավատի պայծառ պատկեր չէ՞ միթե մեր հոգևոր հայրենիքի ասպետ-գավակների կյանքը»,

գ) սովորեցնել, որ «ֆնենն իրենց սիրտը և նայեն, թե կա՞ արդյոք այնտեղ հավատ, որով պիտի կենդանանա մեր հոգևոր Հայաստանը»,

դ) սովորեցնել, որ «որոշ հեռուդալիանություն գտնեն իրերի ընթացքում և որոշ տվյալներից անեն բուրբ եզրակացությունները, որ հնարավոր է անել. չէ՞ որ նյութական կորուստները կարելի է վերադարձնել, իսկ հոգևոր կորուստն անդառնալի է»:

Իմ նպատակն է ստեղծագործական մտածողությամբ և ինֆնուրայնությամբ օժտված իմ աշակերտին հասկացնել, որ եթե նա հիբավի հավատում է ապագային, ապա իր հայացքը պիտի ուղղի իր ներսը, իր

հոգու խորքը՝ տեսնելու թե կա՞ արդյոք իր մեջ այն ամենը, որ կենդանություն է ներշնչում մեր նյութական հայրենիքին: Իսկ խնդիրս իմ հոգևոր և նյութական հայրենիքի համար տաղանդավոր մարդ դաստիարակելն է: Ինչպես նշում է Վահան Տերյանը. «Տաղանդավոր գրողները գեղեցկացնում են գրականությունը, տաղանդավոր մարդիկ զարգացնում են կյանքը»: Այս հետազոտական աշխատանքը ինձ հնարավորություն տվեց վերանայելու իմ ուսուցչական գործունեությունը և փաստելու մի «պարզ հեմարտություն» («Երջանկության մեխանիկա» ֆիլմից). կարելի է լինել հանճարեղ գրող, կամպոզիտոր, մաթեմատիկոս և ապաշենոսի մարդ, կարելի է գիտության և արվեստի բնագավառում չունենալ ընդունակություններ, բայց լինել հանճարեղ մարդ: Ուրեմն, ավելի հստակ ձևակերպեմ իմ նպատակը. պետք է օգտվեմ բոլոր հնարավոր մեթոդներից, որոնք օգնում են աշխարհը աշխարհ պահող և աշխարհը գեղեցկացնող մարդ դաստիարակելուն:

ՀԵՏԱԶՈՏՈՒԹՅԱՆ ՓՈՐՁԱՐԿՈՒՄՆ ՈՒ ՆԵՐԴՐՈՒՄԸ

«Եթե տրամաբանական է բանտարկության մի տեսակը ներկայացնել մեկ ուրիշ տեսակի բանտարկությամբ, ապա նույնքան տրամաբանական է իրականում գոյություն ունեցող մի բան ներկայացնել գոյություն չունեցող մեկ այլ բանով»:

Դանիել Դեֆո

Ամեն անգամ, երբ խոսում եմ ուսուցիչ-աշակերտ փոխհարաբերության մասին, հիշում եմ ֆրանսիացի գրող Ալբեր Գամյուլի մի միտք:

«-Երկուսին գումարած երկու հավասար է չորսի, -ասում է աշակերտը:

-Ո՛չ, երկուսին գումարած երկու հավասար է չորսի, - ուղղում է ուսուցիչը:

-Երկրագունդը կլսի է, -ասում է աշակերտը:

-Ո՛չ, երկրագունդը կլսի է, - ուղղում է ուսուցիչը:

Որովհետև ուսուցիչը միշտ ճիշտ է»:

Առաջ ես մտածում էի, որ սա ուսուցչի միտհեծան իշխանությունն ու հեղինակությունը փաստող երկխոսություն է և շատ անգամ ինքնագոհ մեջբերում էի՝ սաստելու աշակերտներին: Տարիների հետ եկավ փորձառությունը, և այս պարզ երկխոսության խորքում ավելի կարևոր բան նկատեցի, խորհուրդ, որ մինչ

այդ անհասանելի էր ինձ: Մի՞թե ուսուցչի՝ առաջին հայացքից անարդարացի դիտողության մեջ չկա առակերտին ուղղված կոչ, մարտահրավեր. «Պայքարի՛ր քո հեռավարության համար, ապացուցի՛ր, բողոքի՛ր, մի՛ համակերպվիր, հաստատո՛ւն եղիր քո համոզմունքներում»:

Այո՛, այսօր ես ինքս եմ իմ առակերտներին տալիս ազատություն խորհելու, ըմբռնելու աշխարհի առեղծվածային ընթացքը, լույսի ու խավարի հակակշիռ ուժերի պայքարը, մեր նախնիների հնագույն օրենքները, նրանց ժամանակի խորհրդավորությունը, հավատամք-կարգակառույցը, ծեսերի հեռավոր խանդավառ-տանգն ու հուզումները:

Ես ուզում եմ ապրել մի հասարակությունում, որը ձևավորվել է բարոյական և

գեղագիտական արժանիքներ ունեցող անհատներից, որոնք չեն խորժում աշխատանքից, բարեկիրք են և ունեն մարդկանց հետ հաղորդակցվելու փորձ:

Իմ դասավանդած առարկաները՝ հայոց լեզու և գրականություն, հնարավորություն են տալիս առակերտների հետ հաղորդակցման առավել մտերիմ միջավայր ստեղծելու:

Հատկապես գրականության թեմաները, հեղինակների կենսագրությունները, նրանց կերտած կերպարները լավագույն օրինակն են առակերտի արժեհամակարգը ձևավորելու:

Ես չեմ ուզում գրել ուսուցման մեթոդների, դրանց առավելությունների, արդյունավետության, հնարավորությունների մասին, թե ո՛ր մեթոդը ինչ է ենթադրում կամ ինչի է միտված:

Մեթոդները բազմազան են: Ուսուցիչը կարող է ստեղծել խնդրահարույց իրավիճակներ՝ առակերտի մտածողությունը զարգացնելու, հմտություններ, հետաքրքրություններ, կարողություններ ձևավորելու համար: Մարդն իր շրջապատող միջավայրն ընկալում է 5 զգայարաններով: Սակայն տեղեկատվության ընկալման գլխավոր դերը աչքերն են կատարում: Այդ պատճառով էլ ուսումնական գործընթացում կարևոր տեղ է հատկացվում տեսողականացմանը: Տեղեկատվությունը և ուսումնական բովանդակությունը միշտ պետք է ներկայացվեն ընկալման տեսողական ծավալների հաշվառմամբ: Հենց «մեթոդ» բառն էլ, որ փոխառված է հունարենից, նշանակում է ճանապարհ դեպի հետազոտություններ կամ գիտելիքներ: Մեթոդը հնար է կամ միջոց, որն ուղղված է նյութի ուսումնասիրության, այսինքն՝ նպատակին հասնելու միջոց է, եղանակ և ուղի:

Մեթոդը շատ հաճախ ծնվում է դասապրոցեսում. ստեղծված միջավայրը, առակերտների զարգացվածության աստիճանը, նրանց աշխարհաճանաչողությունն ու երևակայությունը, պատրաստակամությունն ու հետաքրքրասիրությունը (դասարան կա ուղեղ է, դասարան կա հոգի է) կարող են նպաստել նորանոր մեթոդների ստեղծմանը, ինչպես որ արդյունավետ ընտրված մեթոդը կարող է նպաստել առակերտի ինքնուրույնությանն ու ստեղծագործական ակտիվությանը:

Օրինակ՝ XII դասարանում հայոց լեզվի ժամին գարնանային տեղատարափ սկսվեց: Կարծես երկինքը պատվեց, ու երկնային ջրերը անգուսպ կատաղությամբ գահավիժեցին՝ ազդարարելով իրենց ազատությունը: Հանձնարարեցի առակերտներին վայր դնել գրիչները, մի պահ ունկնդրել բնության տարերփին, հետո գրել փոքրիկ շարադրանք՝ «Զրույց անձրևի հետ»:

Այնքան հետաքրքիր մտքեր էին ծնվել, այնքան պատկերներ, հույզեր: Ահա մի հատված իմ առակերտուհու շարադրությունից.

«Նրագում տեսա, թե թոչուն էի
Անձիր ու անհուն ծովի վրայով,
Ճշուն էր հոգիս երջանկությունից,
Իսկ սիրտս՝ սնփում կարտից մի խուլ:
Բայց հանկարծ սիրտս պայթեց կարտից,
Ու բեկորները խելագար կրփով
Թռան դեպի ֆեզ, իմ ցամաք, իմ ա՛փ,
Ինձ անվերջ կանչող, իմ հողակտո՛ր: »

Զգիտե՛մ՝ ինչ անուն տամ այս մեթոդին, բայց արդյունքը գեղեցիկ է:

Ավագ դպրոցը առակերտների հնարավորությունները, նրանց հոգեբանական նկարագիրը ուսումնասիրելու լայն ասպարեզ է բացում: Ամեն տարի ձևավորվում են դասարաններ տարբեր դպրոցներում, ընտանիքներում կրթություն և դաստիարակություն ստացած, արդեն որոշակի աշխարհայացք ձևավորված առակերտներից:

Մեկը սիրում է կարդալ, մյուսը՝ խոսել, մեկը զգայուն է, մյուսը փորձում է ստոնասիրտ երևալ, մեկը հարտար լեզու ունի, մյուսը լռակյաց է:

Ուրեմն որքան բազմազան պիտի լինեն մեթոդները:

XI դասարանում Թունանյանի «Գիփոքը» պատմվածքի սյուժեն ներկայացնում է բարեկեցիկ ընտանիքի սիրված, փայփայված մի տղա: Սկսում է խնդրահարկով.

– Գյուղացի Համբոյի տունը կռիվ էր ընկել...

Հազիվ է գսպում խնդուհը: Աչքի պոչով նայում է ընկերներին, սպասում է խրախուսանքի...

Ի՞նչ անել, ի՞նչ մեթոդ ընտրել մարդու մեջ խիղհ, կարեկցանք, սրտացավություն դաստիարակելու համար:

Զգիտե՛մ՝ որքանով է մանկավարժության տեսանկյունից նիշտ իմ ընտրած մեթոդը, բայց արդյունքը երևաց (Թունանյանի Գիփոքը արժանի չէր իմ առակերտի հեզնանքին): Ասացի. «Ես ուրախ եմ, Արա՛, որ ձեր ընտանիքում վե՛ն ու կռիվ չկա, որ հայրդ ստիպված, կարիքից դրդված ֆեզ չի տանում մի բազազ

արտեմի դուռը՝ ծառայության, իսկ մայրդ չի ընկնում հորդ ոտքերը, թե՛ «Չեմ ուզում, իմ բոլոր երեխաներն են անիրավ աշխարհը մի գցիլ, չեմ ուզում»:

Այս միջադեպից առաջ որդիս մի տեսանյութ էր ցույց տվել ինձ տավուցի տասներկուամյա մի տղայի մասին, որ հայր չուներ և ընտանիքի հոգսը վտիտ ուներին առած՝ տղամարդուն վայել տիրություն էր անում տատին, մորը, մանկահասակ բույր-եղբայրներին: Ինչն՞վ Գիբոր չէր...

Նուսն ավելի ազդեցիկ դարձնելու համար ցուցադրեցի այդ տեսանյութը:

Առաջինը կարմրեց...

Ես երկար եմ մտածել նրա վերաբերմունքի շուրջ, փորձել եմ հասկանալ՝ երբ, որ տարիքում է խաթարվում մարդու բարոյահոգեբանական նկարագիրը, երբ է մարդ անընկալունակ դառնում ուրիշի ցավին, որ տարիքում է պետք զբաղվել նրա զգացմունքների դաստիարակությամբ:

Ես ունեցել եմ բարդ դասարաններ, որտեղ լուրջ ձախողումներ եմ ունեցել, անգամ հուսահատության և սեփական ուժերի հանդեպ անվստահության դուր զգացումներ:

Այդպիսի մի դասարան տնտեսագիտական հոսքում էր՝ կազմված հիմնականում տղաներից: Գրականության ոչ մի թեմա չէր հետաքրքրում այս մարդկանց. բոլորը զբաղված էին լուրջ գործով՝ թվաբանությամբ: Տեղին է հիշել Անտուան դը Սենտ-Էֆգյուպերիի՝ չորրորդ մուսուկի բնակչին՝ գործարարին, որ աստղեր էր հաշվում:

Այդ օրերին դիտեցի հոլիվուդյան հետաքրքիր ֆիլմ՝ հիմնված իրական փաստերի վրա: Կոչվում էր «Ազատության օրագիր գրողները»:

Հասարակության անբարենպաստ ընտանիքների (թմրամուլներ, հանցագործներ) երեխաներից ձևավորված դասարանը հանձնում են ուսուցչական պրակտիկան նոր սկսած երիտասարդ ուսուցչուհու: Մեծ ջանքերի շնորհիվ նրան հաջողվում է իր աշակերտներին համոզել, թե ամեն ինչ կորած չէ, դեռ կարելի է դուրս գալ հասարակության «հահեից», ապագայի հույսեր փայփայել, ձգտել, պայքարել: Հանձնարարելով կարգավոր «Աննա Ֆրանկի օրագիրը» գիրքը՝ ուսուցչուհին ցույց է տալիս, որ մարդն անգամ անմարդկային պայմաններում սիրում է, երագում, անմահացնում մարդկային հույզերը:

Նրան հաջողվում է փոխել իր աշակերտների կարծրատիպերը, աշխարհայացքը, նրանց տալ ընտրելու իրավունք:

Ֆիլմի ավարտին անմիջապես հարց ծագեց. ինչն՞ էրիտասարդ ուսուցչուհուն հաջողվեց փոխել բոլորի կողմից անհույս թվացող մարդկանց, դարձնել լավը, բարի, նպատակասույց, իսկ ինձ չի հաջողվում: Մի՞թե միայն նիշտ ընտրված գրքի (մեթոդի) ազդեցությունն էր:

Հանկարծ ամեն ինչ պարզ ու հասկանալի դարձավ. ֆիլմի հերոսուհին իր սաներին տվեց այն, ինչից նրանք գուրկ էին՝ մարդկային վերաբերմունք, հոգատարություն, վստահություն:

Իմ առակերտները դրա կարիքը չունենին: Ուրեմն նրանց պետք է հետաքրքրել նրանով, ինչը նոր է իրենց համար, տալ ինֆուրմացիոն գործելու, ստեղծելու, գյուտ անելու հնարավորություն: Թող գոչեն՝ էլյրիկա՛, և նետվեն հետազոտելու այս անծայրածիր աշխարհը: Եթե օժտված են բնագիտամաթեմատիկական մտածողությամբ, թող ստեղծեն տեսաֆիլմեր նախընտրած հեղինակի, հերոսի մասին:

Այդպես մենք ստեղծեցինք Խ. Աբովյանին, Մ.Նալբանդյանին, Պ.Դուրյանին և Մոնթելին ու հայ վրիժառուներին նվիրված հետաքրքիր տեսառվագներ:

Անտարբեր առակերտներից ձևավորվեցին հետաքրքրասերները:

Առակերտի մեջ ստեղծագործական կարողություններ ձևավորելուն օգնում են ընթերցվող գրքերը, տեսաֆիլմերի միջոցով անցյալի մշակութային ժառանգությանը, ժամանակակից արվեստին, գրական երկերին, գրողների կենսագրությանն ու հասարակական գործունեությանը ծանոթանալը, թատրոն, պատկերասրահ, թանգարան հաճախելը, ուսուցողական նպատակով կազմակերպվող էֆուլուրսիաները, երաժշտություն լսելը, նվագելը, նկարելը, պոեզիայի երեկոները, արդյունավետ կլինի նաև սեփական նախաձեռնությամբ գրքեր ստեղծելը:

Օրինակ՝ XII դասարանում Պ.Սևակի կյանքն ու ստեղծագործությունն ուսումնասիրելիս արդեն ավանդույթ է դարձել Երևանի դրամատիկական թատրոնում «Անվերջ վերադարձ» ներկայացումը դիտելը:

Իսկ դասարանում կազմակերպվող ֆենարկուսը բացահայտում է առակերտի՝ գրողի և իր ժամանակի բախումն զգալու, անհատի և հասարակության փոխահարաբերությունները բազմակողմանիորեն վերլուծելու, ինչպես նաև զգացմունքները կառավարելու ընդունակությունը:

Հոգեբանական բարդ իրավիճակներում հայտնված գրական կերպարները վերլուծելիս հաճախ դասը վերածում են դատավարության: Դասարանը բաժանվում է մի ֆանի խմբի՝ մեղադրող, արդարացնող, լինում են նաև ձեռնպահներ: Այսպիսի դասի ժամանակ հանաչում են առակերտի՝ գեղեցիկն ու նսեմը, վեհն ու անարգը, հերոսականն ու փափրոզին, կամիկականն և ողբերգականը ընկալելու կարողությունը:

Փաստ է, որ մարդ հիշում է իր կարգացածի տասը տոկոսը, լսածի ֆան, տեսածի երեսուն, տեսածի և լսածի հիսուն տոկոսը, իր ասածի ութսուն տոկոսը և իննսուն տոկոսը, ինչի նա ինքն է հասել գործնական գործունեության մեջ:

Ուսուցմանը հետևում է զարգացումը, իսկ անձը զարգանում է գործունեության մեջ: Բավականին արդյունավետ է ժամանակակից գրողի մեկ ստեղծագործության ֆենարկուսը:

Իմ դպրոցը կրում է արդի գրականության հրաշալի արձակագիր Լևոն Խեչոյանի անունը: Հենց նրա մի պատմվածքի («Հողի դողը») ֆենարկուսն էլ կազմակերպեցի XII դասարանի մի խումբ առակերտների հետ: Հուրախություն ինձ՝ արձագանքեցին տղաները. նրանց գրավել էր Խեչոյանի անցած ուղին՝ ազատամարտիկ և մտավորական լինելը:

Պատմվածքը կարդացին ինքնուրույն. ես միայն ուղղորդում էի՝ ինչին ուշադրություն դարձնեն: Իմ աշակերտների պատրաստակամությունը հուզիչ էր. ամեն օր նորանոր առաջարկներ էին անում, հայրայրում լուսանկարներ, ընտրում տեսաֆիլմեր՝ նվիրված Լ.Նեչայանին: Աշակերտներիցս մեկը զանգահարեց անգամ Նեչայանի կնոջը և լրացուցիչ տեղեկություններ հավաքեց գրողի մասին: Համատեղ ուժերով գեղեցիկ ցուցապաստառ ձևավորեցին՝ ներկայացնելով գրողի՝ ասույթ դարձած մտերը:

Ես հասկացա, որ համամարդկային արժեքների խորագույն գիտակ Նեչայանը արմատ է գցել իմ սաների հոգում:

Իսկ որքան՝ն հետաքրքիր էին մտերը, որոնք ծնվել էին նրանց հոգում պատմվածքը ընթերցելիս: Ե՞րբ, ո՞ր պահին է մարդ գգում հողի դողը, ո՞րն է հողի խորհուրդը (Անթեյ-Արեակ արքա, Իսահակյանի «Հայրենի հողը» լեգենդը, Սիամանթոյի «Հողին ձայնը» ֆերբվածքը): Պատմվածքում ի՞նչ խորհուրդ ունեն գույնը, ձայնը, հոտը, բառը:

Խորունկ հոգով մի աղջիկ նշեց «Սերոբ» բառը, որը պատմվածքի վերջում վերածվել էր «սերովբեի»։ Սերոբը երկրում էր, սերովբեն՝ երկնում, վերևի ու ներքևի, երկնի ու երկրի հակադրություն կար վերափոխման մեջ, որ արտացոլում էր մարդու ողբերգությունը: Խորիմաստ էին հակադիր պատկերների վերլուծությունները՝ մենք-նրանք (Նեչայանը չի գործածում «քեռամի», «հակառակորդ» կամ նման բառեր), զենք-եկեղեցի («...մենք զենքերը թողեցինք եկեղեցու դռանն ու մտանք եկեղեցի»։ Աստծո տանը պաշտպանված ենք), նրանց աղջիկը-ֆրանսուհի ժուռնալիստը:

Բացատրեցին «ներարկել» և «տալ» բայերի ոմական տարբերությունները: Հակադրությունների դաշտից մտան համեմատությունների դաշտ: Աշակերտուհիներիցս մեկը նշեց ծարավ մարդկանց և ծարավ կենդանիների նմանությունը, երկուսի բնագրային կապվածությունը տարածքներին, մյուսը համեմատեց Նեչայանին գերմանացի գրող Ռեմարկի հետ և Նեչայանին անվանեց «հայ Ռեմարկ»: Մեկ ուրիշը պատմվածքը համեմատեց Եղիշե Չարենցի «Դանթեական առասպել» պոեմի հետ (Մեռած ֆաղափ-մեռած, լքված գյուղ, կենդանիների սպանող՝ պատմվածքում, սատկած կատուն՝ պոեմում, ընկերների կարևորությունը և՛ պոեմում, և՛ պատմվածքում, պատերազմի զարկուրելի պատկերները, մարդկային նկարագրի ազնվասունը): Մյուս մասնակիցները կարդացին պատերազմի «դեմքը» բացահայտող դրվագները և ընկերներին առաջարկեցին հետևյալ հարցը. «Եթե փորձենք կերպարավորել պատերազմը, ո՞ր հերոսի տեսքով կներկայացնենք՝ նրանց աղջկա՞, հայ հրամանատարի՞, որին թախծոտ սիրում էին իր զինակից ընկերները, թե՞ օտար ժուռնալիստի»: Պատասխանները բազմազան էին ու հիմնավորված: Մեկն ասաց՝ նրանց աղջկա, որովհետև խղաղ օրերին սղամարդիկ այդպես չէին վարվի կնոջ հետ, մյուսն ասաց՝ օտար ժուռնալիստի, որ մարմնավորում է անտարբեր աշխարհը: Իսկ զինվորականի մասնագիտությունն ընտրած մի տղա էլ նշեց հայ հրամանատարին, որ թույլ չսովեց ծարավ զինվորներին ջրհորից ջուր խմել՝ վախենալով, թե ջուրը թունավորված կլինի, և ինքն առաջինը խմեց...

Վերջում ամբողջացրին Խեչոյան մարդու, Խեչոյան գրողի, Խեչոյան կամավորի կերպարը հենց հեղինակի փիլիսոփայությամբ. «Հիմա գրողի խնդիրը հայրենիքի կառույցը անառիկ պահելու համար ոչ թե պաթետիկ սնով հերոսական վեպեր գրելով զինվոր դաստիարակելու գործն է լինելու, այլ մեկ ազգի, մեկ պետության ոչնչանալը երկրագնդի կործանումն համարելը»:

Գրականությունը կարողանալու հնարավորություն է պատերազմն ասել տալու՝ առանց նշանակության, թե ում, որ երկրի, որ գերտերության պատերազմն է. այս մոլորակի, այս մարդու հանապարհն անցնում է այն երկրի միջով, որտեղ նրա բնակիչը ստուն է կառուցում, պահում է իր արվեստագետին, իր գործարանները, իր կնոջը, իր զավակներին, որ բոլոր արևի տակ ծփում են ցարենի դաշտերը, լներում խայտում են ձկները, առատությունից շունը կտուրին, խոտի դեզի տակ, կատուն պատուհանի գոգին է մեջքը ուռեցնելով ուրախանում, երբ զավակները ուսանում են ցնծությամբ, կույսը հրկվում է, գազօջախի կրակը չի մարում, և կյանքի օրհնությունն է թափվում մշտապես»:

Ներեցե՛՛՛՛՛, եթե մեջքերումը երկար է. խմբագրել չկարողացա: Մի՞թե մեր նպատակն էլ այսպիսի աշխարհում ապրելը չէ, հուզականորեն զարգացած, ստեղծագործական ունակություններով օժտված սերունդներ դաստիարակելը չէ...

Ես ուրախ եմ, որ հիշտ եմ ընտրել ստեղծագործությունը. այն արդիական է, մտածելու, որոնելու անսպառ պաշար ունի:

Խեչոյանին նվիրեցինք նաև միջոցառում:

Հղումը՝ https://www.youtube.com/watch?v=cnL_Fp-kSFU&t=33s

Ընդունելով աշխարհի մարտահրավերները, մեր ժողովրդի անվերջ կրկնվող պատմությունը՝ էլ ավելի պարտավորված եմ ինձ զգում մարդու, քաղաքացու դաստիարակության գործում: Ես ցանկանում եմ, որ իմ աշակերտը ըմբռնի մարդկային հոգու գեղեցկությունը, բարձր իդեալներին, հայրենիքին, հարագատ մարդկանց նվիրվածության վեհությունն ու ազնվությունը, հիանա մարդով, նրա բարոյական գեղեցկությամբ ու վեհությամբ:

Այս ամենով հանդերձ՝ նա պետք է կարողանա ինքնուրույն որոշում կայացնել, գիտակցել ազատությունը, պատասխանատվությունը:

Հիշում եմ՝ աշուն մի օր մտա դասարան և անակնկալի եկա: Ամբողջ դասարանը ոսկեբույր այգի է հիշեցնում. նստարաններին, հատակին, պատուհանագոգերին թափված էին դեղին տերևներ...Ու մինչ ուժի կգայի, աշակերտներս, մեկը մյուսին հետևելով, Տերյանի բանաստեղծությունները արտասանեցին...

Ո՞վ էր նրանց հուշել, ո՞ւմ մտքով էր անցել...

Նրանք դա արել էին ինքնուրույն:

Ես ոչ մի մեթոդ չէի կիրառել, այդ նրանք ինձ սովորեցրին նոր մեթոդ, որ ես անվանեցի «Աշունաբույր»:

Ինչպես մանկության տարիներին լինում են արարքներ, որոնք մարդ հիշում է ամբողջ կյանքում, այնպես էլ ուսուցչի գործունեության ընթացքում պատահում են դեպքեր, որոնք խորհրդածելու արժեք են տալիս: Ես չեմ ամաչում իմ սխալն ընդունելուց, ես ինձ նսեմացած չեմ զգում իմ աշակերտներից ներողություն խնդրելիս:

Այսպես ես հասկացնում եմ նրան, որ ես էլ մարդ եմ, կարող եմ սխալվել, կարող եմ նույնիսկ անարդար լինել որևէ իրավիճակում, բայց գիտակցությունը, դաստիարակությունը ուղղորդում են ինձ, հուշում անելիքս:

«Մեռելահարցույթ» վեպում Մ.Նալբանդյանը գրում է. «Այնտեղ, ուր չկա կրթություն ու դաստիարակություն, չէ կարող լինել ընկերական կյանք, իսկ ուր չկա ընկերական կյանք, այնտեղ թագավորում է միմյանցից բաժանող և հեռացնող եսական սկզբունքը, որի հիմքի վրա ոչ մի բան չի շինվում, այլ հառաջուց շինվածքները ևս քանդվում են»:

Նա, ով չի աշխատում ինքնուրույն, երբեք չի գնահատի ուրիշի աշխատանքը:

Զնառն մի օր դպրոցի բակում բավականին հետաքրքիր ձևերով և ձևերով տեսա: Հնարներն ստեղծված ձյունե կերպարները անմեղ ուրախության զգացում պարզեցրին: Ինչ-որ մեկի ստեղծագործ միտքը հրաշք էր արարել: Բարձր տրամաբանությամբ դպրոց մտա, իսկ դասերի ավարտից հետո անհամբերությամբ դուրս եկա՝ կրկին վայելելու վերագտած մանկության հրեշտակները:

Որքան մեծ եղավ հիասթափությունս, երբ բակում տեսա բարբարոսաբար ոչնչացված, կոխտված ձևերարդիանց:

Եվ սա ավագ դպրոցում, որի սանը այլ մտահոգություն պիտի ունենար, քան ձևերարդ ոչնչացնելը: Այն միտքը, որ դա կարող է իմ աշակերտը արած լինել, անհանգստացրեց ինձ: Ուրեմն ինչ-որ բանում թերացել եմ ես, չեմ բացատրել, գրույց չեմ վարել իմ աշակերտի գաղափարական հասունությունը ձևավորելու ուղղությամբ, նրա համար իդեալ չեմ ստեղծել, իր նմանի աշխատանքի հանդեպ հարգանք չեմ դաստիարակել:

Զինաստանի դպրոցներից մեկում աշակերտները դիտել են մի տեսանյութ, որը պատմում է իրենց ծնողների ծանրագույն աշխատանքի մասին: Բոլոր աշակերտները հուզվել են՝ տեսնելով, թե ինչ գնով են ծնողները ապահովում երեխաների կրթության իրավունքը: Ամբողջ կյանքի դաս է:

Հավատացած եմ, որ այդ աշակերտներից ոչ ոք չի համարձակվի թերագնահատել ուրիշի աշխատանքը: Երեխային ինքնուրույն աշխատել սովորեցնում են մանկուց: Նա պետք է սելիական ուժերին վստահ լինի, զգա, որ իր աշխատանքը գնահատվում է, հոգեբաններն պատրաստ լինի աշխատանքի թերությունների վերաբերյալ դիտողությունն ընդունելուն, հետևություններ անի և վերջապես գիտակցի կատարած աշխատանքի կարևորությունը: Ինչպես նեցեցի, ուսուցչի նպատակն է ձևավորել ինքնուրույն մտածողություն և ստեղծագործական կարողություններ ունեցող մարդու:

Ուրեմն պետք է հնարավորություն տալ առակերտին խորապես ուսումնասիրելու տրված նյութը: Եթե դա գրական ստեղծագործություն է կամ արվեստի գործ, նա պետք է ամբողջական պատկերացում ունենա երկի ստեղծման ժամանակաշրջանի պատմական իրադարձությունների, արվեստի ուղղությունների, նշանավոր գործիչների մասին: Բազմակողմանիորեն ուսումնասիրված նյութի վերաբերյալ գիտելիքը կունենա խորք, բովանդակություն: Օրինակ՝ միջնադարի նշանավոր գործիչ, առակագիր Մ.Գոցի գործունեությունը ներկայացնելիս հիշտ կլինի նախ՝ ուսումնասիրել XI-XII դարերի պատմական իրադարձությունների զարգացումները համաեթարհային պատմության համայնապատկերում, այնուհետև հայոց պատմության էջերում, կապ ստեղծել հասարակագիտության «Բարոյագիտություն» թեմայի հետ, որ հասկանալի լինեն առակի ժանրային առանձնահատկությունները, կարելի է ուսումնասիրել ժամանակակից օրենսգրքի մի բանի դրույթներ՝ հասկանալու Մ.Գոցի «Գիրք դատաստանի»-ն: Այսպիսով, Մ.Գոցը կընկալվի ոչ միայն հայ գրականության և իրավագիտության, այլև համաեթարհային մշակույթի գործիչ:

Գրականությունը սերտորեն կապված է դպրոցում ուսումնասիրվող բոլոր առարկաների հետ, որովհետև արտացոլում է կյանքն իր բազմաբովանդակ շերտերով:

Օրինակ՝ XII դասարանում ուսումնասիրում ենք Կ.Զարյանի՝ դեգերումներով լի կյանքը: Պատմական իրադարձություններին զուգահեռ ֆարսեզագրում ենք մեծ մտավորականի կյանքի ուղին՝ գավառական Շամախի, Փարիզ, Բելգիա, Ավստրիա, Վենետիկ, Կոստանդնուպոլիս, Խորհրդային Հայաստան, դարձյալ Փարիզ, Իսպանիա, ԱՄՆ...

Հ. Թումանյանի «Հոգեհանգիստ» բանաստեղծության սեղանունները հիշելու համար ուսումնասիրում ենք պատմական Հայաստանի ֆարսեզը, առակերտները իրենք են գտնում «հայոց կերպները՝ Մասիս, Սիփան, Թռնդուրեֆ, Արագած...»

Պատկերացրե՛ք՝ ինչ ընդգրկուն թեմա է դառնում... Նաև ուսումնասիրման, հետազոտման լայն հնարավորություն է բացվում առակերտի համար: Հրանտ Մաթևոսյանի «Ասեռան արև» վիպակն ուսումնասիրելիս անպայման դիտում ենք համանուն ֆիլմը: Առակերտներն առավել լավ են մտապահում սյուժեն, կերպարները, երկխոսությունները, Մաթևոսյանի կենսափիլիսոփայությունն իր հերոսուհու շուրթերով:

Ստեղծագործական ունակությունների զարգացմանը նպաստում է դերասանների՝ Մաթևոսյանի հերոսներին կերպավորելու տաղանդը:

Յուրադրությունը սովորողին երևույթներին, գործընթացներին, օբյեկտներին բնական վիճակում գնահատան-զգայական ձևերով ծանոթացնել է:

Պատկերագրությունը ենթադրում է առարկաների, երևույթների ցուցադրումն ու ընկալումը դրանց սիմվոլիկ պատկերներով: Այս մեթոդի անվան հիմքը անգլերեն «սիմվոլիզմություն» բառն է: Այսպես անվանում են ուսումնական պարապմունքների մի որոշակի տարբերակ, որն առակերտներին միմյանց հետ

հաղորդակցվելու, ուսումնասիրվող հարցը համատեղ բննարկելու, բանավիճակի իրադրություններում ակտիվ մասնակցելու և տվյալ հարցի վերաբերյալ սեփական պատկերացումները ձևավորելու բարենպաստ հնարավորություններ էր տալիս:

Ցանկացած սոցիալական գործընթաց մարդկանց փոխազդեցություն է:

Ուսուցումը ևս նպատակաուղղված և հատուկ կերպով կազմակերպված փոխազդեցություն է:

XI դասարանում ուսումնասիրում ենք Դ. Դեմիրճյանի «Վարդանանք» ծավալուն վեպը:

Ի՞նչ անել, ինչպե՞ս արդյունավետ կազմակերպել դասը, որպեսզի աշակերտը և՛ որոշակիորեն ծանոթանա վեպի գործողություններին, և՛ հերոսների հոգեբանական նկարագրին: Որոշեցի վեպից դուրս գրել 4 հատված, որոնք, իմ կարծիքով, պատկերացում կտան ստեղծագործության բովանդակության, Դեմիրճյանի սեփական, հերոսների հոգեբանության մասին: Դասարանը բաժանեցի 4 խմբի: Ամեն խմբի հանձնարարեցի առանձին առաջադրանքներ տրված հատվածների վերաբերյալ: Դասը վարեցի ԽԻԿ համակարգով (Հավելված 1, դասապլան 1):

Համագործակցային այսպիսի մեթոդը հնարավորություն է տալիս աշակերտներին ստեղծելու, իրար լսելու, դատելու, վերլուծելու, կարծիք արտահայտելու, ինչպես նաև տարբեր առարկաներից ստացած գիտելիքները ցուցադրելու միջավայր:

Իմ աշխատանքային գործունեության ընթացքում նկատել եմ, որ այն թեմաները, որոնք ուսուցանվել են տարբեր ուղիով մեթոդներով, առավել տպավորիչ են եղել:

Այսպես, Լևոն Շանթի «Հին աստվածներ» հրաշալի դրամայի ամենախորհրդավոր տեսարանը՝ Աբեղայի և Քոչվորի երկխոսությունը, երբ ներկայացնում ենք դերերով, պատկերն ավելի համոզիչ է դառնում, այդպես նաև՝ Սարոյի և Անուշի երկխոսությունն աղբյուրի մոտ: Դասարանում միասին ընտրում ենք Աբեղա և Սեփա կամ Անուշ և Սարո ու փորձում ենք ստեղծել հանդիպման հոգեբանական պատկեր: Հատկապես տղաներն սկզբում ամաչելով, հետո ավելի անկաշեկան դերավարում են գրական հերոսներին ու արժանանում ընկերների գնահատականին:


Գ. Սունդուկյանի անվան ազգային թատրոնում «Հին աստվածներ» դրաման ենք դիտում, բննարկում դերասանների խաղը, սիմվոլիզմի առանձնահատկությունները:

«Անուշ» ֆիլմ-օպերայից հատվածներ ենք դիտում, աղջիկները երգում են «Ամպի տակից» երգը... Կարծում եմ՝ այսպիսի մեթոդները խթանում են աշակերտի ստեղծագործական կարողությունները:

Եթե դասարանում երգող աշակերտներ են լինում, բանաստեղծությունները երգ ենք դարձնում, երգում: Այսպես գեղեցիկ խաղիկներ դարձան Քուչակի հայրենիները:

Կարող եմ վստահաբար ասել, որ երգի վերածված բանաստեղծությունն ավելի լավ են հիշում, իսկ նկարչական ունակություններով օժտված աշակերտների հետ բանաստեղծությունները գունագարպ պաստառների են վերածում:

Ցուցադրում են Դ. Վարուժանի «Հացին երգը» շարքի մի քանի պատկերագրերում:



Հետաքրքիր է աշխատել ստեղծագործական ունակություններ և ինֆորմացիոն մտածողություն ունեցող աշակերտների հետ: Ինքն էլ են սովորում, զարմանում, հիանում: Երբեմն դասն անփոփելիս այնպիսի եզրահանգումներ են անում կամ կերպարը վերլուծելիս այնպիսի փաստարկներ են բերում, հիմնավորում նրա այս կամ այն արարքը, որ անակնկալի են գալիս:

Աշակերտի մեջ ինֆորմացիոնություն և ստեղծագործական կարողություններ ձևավորելու համար առաջին հերթին ես՝ որպես ուսուցիչ, պետք է ունենամ այդ ունակությունները, ես պիտի աշխատեմ այն մեթոդներով, որոնց տիրապետում եմ: Չեմ կարող փոխել ինչ-որ բան, եթե ես չեմ փոխվում: Հետաքրքրատեր, ակտիվ աշակերտն ստեղծում է աշխատանքային միջավայր, երբեմն փոխում իմ պատկերացումները, նոր տեսանկյունից դիտարկել տալիս ուսումնասիրվող նյութը:

Ուրեմն ինչն՞ չտալ առակերտին ստեղծագործական բերկրանք:

Ես հաճախ եմ լսում նեյրոհոգեբան Տասյանա Ջերնիգովսկայային: Ըստ նրա՝ ուղեղի գործունեությունը երկտասարդ պահելու համար պետք է կարգալ բարդ գրգռեր, դիտել բարդ ֆիլմեր, լսել բարդ երաժշտություն:

Այս տեսությունը արդյո՞ք չի օգնի առակերտին՝ դրսևորելու իր ամբողջ հոգևոր ներուժը, լուծելու առավել բարդ իմացական խնդիրներ, արագացնելու նրա զարգացումը. չէ՞ որ առակերտից կպահանջվեն հավելյալ ջանքեր, իսկ ուսուցչին հնարավորություն կտրվի հանդես գալու խորհրդատուի դերում: Եթե առակերտի առջև խնդիր չի դրվում լարելու ուժերը և հաղթահարելու դժվարությունները, ապա նրա զարգացումը դանդաղում է: Իհարկե, պետք է հաշվի առնել նաև սովորողի հոգեկան զարգացման անհատական բնութագիրը, ուսման նկատմամբ ունեցած վերաբերմունքը:

Մենք հաճախ ենք լսում այս բնութագրումը. «Ընդունակ է, բայց ծուլ է»:

Պետք է բացատրենք առակերտին, որ իմանալ և ոչինչ չանելը հավասարազոր է չիմանալուն, ինչպես կարողանալ և չանելը՝ չկարողանալուն...:

Այսպիսի դեպքերում ես ցուցադրում եմ տեսանյութ պարօլիպիակյան խաղերի մասնակիցների մասին, որոնք, հաղթահարելով հոգեբանական և ֆիզիկական բազմաթիվ դժվարություններ, ապրում են լիարժեք կյանքով, պայքարում են, հաղթում, հաստատում:

Ասեմ, որ այս մեթոդն արդյունք ունի. շատերը «չեմ կարողանում» պատասխանը տալուց առաջ մտածում են, և դա ճիշտ է: Ես միշտ ասում եմ. «Կատարի՛ր հանձնարարությունը քո ուժերի չափով, միայն մի՛ ասա՝ չեմ կարող»: Մենք չպետք է կանգնենք մեր որոնումների կես համփին:

Եթե գիտելիք ունենք, ուրեմն ունենք հնարավորություն՝ որոշելու՝ ինչ անենք և ինչու անենք: Եթե ունենք կարողություն, ուրեմն ունենք պատկերացում՝ ինչպես անենք: Եթե ունենք ցանկություն՝ մոտիվացիա, ունենք նաև անկարելի կարելի դարձնելու ուժ, կամք:

Այս երեք կոմպոնենտները՝ գիտելիք, հմտություն, մոտիվացիա, ձևավորում են մեր կարողությունները, որոնցով էլ բնութագրվում է մեր էությունը:

Կառուցողական, գիտական սկզբունքներով կազմակերպվող ուսուցումը ամենից առաջ առակերտից պահանջում է մտավոր եռանդի մշտական դրսևորում, օգնում է ընդունելու, փոխանակելու, վերակառուցելու, յուրացնելու նոր գիտելիքներ, տեղեկություններ:

Ընդհանրացման են ենթարկվում և արդյունքում սովորողների գիտակցության մեջ առաջանում են նոր իմացական կառույցներ, որոնք դառնում են մտածողության «գործիքներ»՝ վերլուծության, համեմատության: Տեղի է ունենում սեփական գիտելիքի կառուցում: Լավ տուն կառուցելու համար պետք է լավ շինարար լինել, գեղեցիկ տուն կառուցելու համար՝ հարտաբապետ, ապահով և հարմարավետ տուն կառուցելու

համար պետք է հմտություն ունենալ, իսկ ավարտուն շենքին շունչ ու հոգի տալու համար պետք են սեր և նվիրում:

Հայոց լեզվի հիմնական միավորները նշելիս՝ հնչյուն, բառ, նախադասություն, տեքստ, միշտ շինարար են դառնում. հնչյունը շաղախն է, բառը՝ ֆարը, նախադասությունը՝ սրմը, տեքստը՝ տունը:

Առակերտներին հարցնում են՝ ուզո՞ւմ են՝ իրենց տունն ամուր հիմք ունենա, գեղեցիկ ու հարմարավետ լինի:

Պատասխանն արդեն գիտե՛ք: Ի՞նչ է պետք այդպիսի տուն կառուցելու համար: Իհարկե, գիտելիք, շինարարական հմտություններ, գեղագիտական նաշակ:

«Այդպես պետք է կառուցել խոսքը», – ասում են:

Հետո գրում են նախադասություններ՝ թույլ տալով բառագործական սխալներ, ու հարցում, թե շենքի որ ֆարն է թույլ կամ սխալ տեղադրված:

Օրինակ՝

1. Հայրենի անութներում (ակուր) ծուխը չի մարում:
2. Նա տարրական հասկացություն (հասկացողություն) չունի այդ թեմայի վերաբերյալ:
3. Այդ հարցը ինձ չի վերաբերվում (վերաբերում):

Հարցնում են, թե սխալ գործածված և դրանց փոխարինած բառերն ինչպիսի՞ փառեր են: Կարող ենք վերհիշել նախադասության անդամ հանդիսացող (նյութական) և չհանդիսացող (ֆերականական, վերաբերմունքային) խոսքի մասերը, հարստացնել մեր խոսքը՝ բառերին տալով սխալ նշանակություն:

Հետո տալիս են իմ առակերտներին հնարավորություն՝ կառուցելու իրենց տեքստ-տունը:

Ա՛յ այստեղ թող օգտագործեն և՛ ստացած գիտելիքը, և՛ «Շինարարական, նարտարապետական հմտությունները, և՛ ստեղծագործական ունակությունները»:

Հետագոտականն աշխատանքն ուզում են ամփոփել ֆրանսիացի փիլիսոփա, լուսավորիչ Վալտերի «Միկրոմեգաս» ստեղծագործության մի դրվագով:

«– Ես այժմ ել լավ չեմ հասկանում հունարենը, – ասաց հսկան:

– Ես նույնպես, – ասաց փիլիսոփա որդը:

– Ապա էլ ինչո՞ւ եմ ձեր այդ Արիստոտելից ցիտում հունարեն:

– Դա արվում է նրա համար, որպեսզի ձգտենք, որքան հնարավոր է, լավ մեջբերել այն, ինչից ոչինչ չենք հասկանում, և այն էլ այնպիսի մի լեզվով, որն ամենից քիչ ենք հասկանում»:

Ասելիքն այն է, որ ամեն ինչ պարզության մեջ է գեղեցիկ: Ինչպիսի մեթոդների էլ տիրապետենք, գիտելիքների ինչպիսի պաշար էլ ունենանք, եթե չենք կարողանում այն մատչելի մատուցել, ուրեմն մենք ոչինչ չենք անում:

ԵԶՐԱԿԱՑՈՒԹՅՈՒՆ

XII դասարանում ընթերցեցի իմ հետազոտական աշխատանքի բնագրանը, որն ընտրել էի Դանիել Դեֆոյի մտերից:

Նրանք ուշադիր լսեցին, հարցրին վերնագիրը և արեցին իրենց եզրակացությունը. «Եթե մարդ ինքնուրույն մտածողություն չունի, ապա կարելի է նրան համոզել, որ այն ամենը, ինչ գոյություն ունի, իրականում գոյություն չունի և հակասակը: Իսկ ինքնուրույն մտածողությամբ և ստեղծագործական ունակություններով օժտված մարդու համար բացվում են սրտումների նոր հորիզոններ»:

Կարծում եմ՝ սրանից լավ եզրակացություն, այն էլ՝ իմ աշակերտների մտորումներից ծնված, ես չէի անի: Հետևելով աշխարհում կատարվող իրադարձություններին և իմ փոփրիկ հայրենիքի անչափելի հոգսերին՝ հասկանում եմ, որ մարդկության թե՛ գիտատեխնիկական առաջընթացի, թե՛ բարոյական անկման, թե՛ հաղթանակի, թե՛ պարտության պատասխանատուն դպրոցն է. չէ՞ որ նա է մտավոր-հոգեկան կուլտուրայի ստեղծման ամենախոշոր գործունը: Մի քանի սերնդի հոգևոր անկարգությունն ու փչացած բարբերը, ոչ ճիշտ ընտրված ուսումնական ծրագրերը, չափորոշիչները, դասավանդման մեթոդները բավական

են, որ գգալի վնաս հասցվի նաև գործնական կյանքին: «Եթե մտածողությունը կորցնի զգուշությունը և պարզությունը, իսկ ոգու հանդեպ հարգանքը կորցնի իր ուժը, շուտով կդադարեն ճիշտ հանապարհով ընթանալ նավերն ու մեքենաները, կերերան և կհեղինակագրկվեն ինչպես հարտարագետի ձեռքի հաշվեհաննը, այնպես էլ բանկի և բորսայի մաթեմատիկան» (Հերման Հեսսե. «Հուլունգֆախադ»):

Մեզանից յուրաքանչյուրը սոսկ մարդ է, սոսկ մի փորձ, հանապարհ ընկած մի գոյություն, բայց նա պետք է գնա այն ուղղությամբ, որտեղ կատարելությունն է:

Նա պետք է ձգտի շարժվել դեպի կենտրոն, ոչ թե դեպի եզր:

ՕԳՏԱԳՈՐԾՎԱԾ ԳՐԱԿԱՆՈՒԹՅԱՆ ՑԱՆԿ

1. Стивен Р.Кови „7 НАВЫКОВ ВЫСОКОЭФФЕКТИВНЫХ ЛЮДЕЙ“.
2. ԱՇՈՒ Շահինյան –ԿԱԻ Արագածոտնի մասնաճյուղի մասնագետ . «Հայոց լեզու և գրականություն» 2013թ.
3. Վ.Ա. Սուխոմլինսկի . «Սիրտս նվիրում եմ երեխաներին»

(Հավելված 1, դասապլան 1):

Դասարանը՝ XI

Առարկան՝ Հայ գրականություն

Թեման՝ «Վարդանանֆ» վեպի գաղափարական բովանդակությունը

Նպատակը՝

ա. ուսուցանող - Ամբողջացնել V դարի պատմական նկարագիրը

բ. զարգացնող - Ստեղծել միջառարկայական կապ գրականության և

պատմության, ռազմագիտության հայոց եկեղեցու

պատմության միջև պատմական խոշոր

իրադարձությունների միջոցով (Ավարայր,

Սարդարապատ, Արցախ) վերլուծել հայ ժողովրդի

պատմության շրջադարձային փուլերը:

գ. դաստիարակչական - Արժևորել հայ ժողովրդի անցած ուղին, հասկանալ

սեփական անձի դերն ու նշանակությունը հայոց

բարոյության գործում, նայել առաջ՝ հիշելով

անցյալի էջերը:

Կառուցվածք՝

Խթանում՝ Գ.Նժդեհի մտերից (2 ր). «Բարոյապես սնանկ է անհատը, երբ նրան պակասում է հպարտության զգացումը՝ ծնունդն ազգային ինֆանանաշողության, որ սնվում է մեր պաշտամունքից դեպի այն ամենը, ինչ գեղեցիկ է, վսեմ ու հերոսական հայրենի պատմության մեջ»:

Իմաստի ընկալում:

I խումբ: Տեխստ I

Ջրաղացի ուռենու տակ՝ մթության մեջ երկու սովերներ՝ Արտակն ու Անահիտը, կանգնել էին իրար դեմ և հրաժեշտի գրույց էին առնում:

-Վհանդիպե՞նք իրար, ի՞նչսա՛ն, թե՞ վերջացավ...,- հարցրեց Անահիտը:

-Վհանդիպե՛նք, Անահի՛տ,- պատասխանեց Արտակը:

Անահիտը չհարցրեց, թե երբ և որտեղ: Արտակն էլ չբացատրեց, թե ինչպես կլինի այդ, բայց երկուսն էլ հոգեկան ինչ-որ անդորր զգացին այդ պատասխանի մեջ: Արտակին այդ պահին տոգորել էր միայն մի խոր, անըմբռնելի, կարծես տարտամ, բայց միաժամ և ուժեղ զացմունք - «մենք կհանդիպե՛նք»: Եվ դա արդեն այլևս խոս չէր, որին հաճախ դիմում էր նա և գիտակցորեն իմաստավորում: Ո՛չ: Սա չէր հանդուրժում այլևս ոչ մի խորհում, թույլ չէր տալիս տրակուսանք և կասկած: Սա գալիս էր մի հզոր, ներքին բանից, այնտեղից էր նաև իր սերը, իր ուրախությունը, հավատը, հույսը, աներկյուղությունը մահի: Մահը չի հաղթի նրան, նրան մահ չկա...

Հարցեր.

1. Նեւել պատերազմի և սիրո հակադրություն արտահայտող տողեր, բառեր:
2. Նկարագրել պատերազմի նախօրեին հանդիպած հերոսների ապրումներն ու խոհերը:
3. Վերհիշել նույնօրինակ դրվագները հայ գրականության էջերից:
4. Ինչպիսի՞ն կլինի այս հերոսների հակատագիրը:

II խումբ: Տեխստ II

Ինչ-որ խլրտուժ անցավ գորաբանակի շարքերի մի ծայրից մյուսը: Մի մեծ ջահ, լիզելով օդը ոսկի օձի նման և գալարվելով երկինք, մոտմոտեց դեպի գորաբանակը:

-Սպարապե՛տը... Սպարապե՛տը...,- հարվածեց շունջը ծայրէծայր, և գորագնդերն ընդոստ ոտի էլան:

Ջահի լույսով ողողված՝ գալիս էր Վարդանը, հետևից՝ նախարարները, Ղևոնդ Երեցը, կաթողիկոսը, Եղիշեն, Եզնիկը...

Ջորագնդերը սրտի և զգոն նայեցին Վարդանին: Առաջ անցան ժողովրդական գորագնդերը: Փայլատակեց Եղիշեն՝ բոցավառ դեմքով, և խողացկուն նժույզը ծառացնելով՝ թռավ դեպի բազմությունը.

- Ողջուն՝ զինվորեւո՛ց, եղբարց իմ ի մահ, ի կյանս, զինվորյաց հայրենի ազատության: Պատրաստվեցե՛ք հաղթության, վաղը ձեր ձեռքով պիտի մեռնի հայրենյաց մահը: Կովեցե՛ք ի մահ, և թող օրհնյա՛լ լինի ձեր սուրն ազատության:

Առաջացավ Վարդանը.

- Զինվորներ՛ք, եղբայրներ՛ք, ժողովու՛րդ հայոց: Վաղը ազատության օրն է: Վաղը պիտի կովենք: Եթե կան մեր մեջ թերահավատներ և վատեր, արձակենք՝ թող գնան մեզնից ի բաց: Իսկ քաջամարտիկները, որ պիտի մնան, աղաչում են և հրամայում են՝ եղբայրներ՛ք, քաջության հետ վատություն մի՛ խառնեք: Մի՛ նայե՛ք թե՛նամու մեծության: Մենք կհաղթե՛նք: Կհաղթենք մե՛նք, քանի որ ...

Հարցեր.

1. Ավարտել ընդգծված միտքը:
2. Գրել ասույթներ քաջերի, քաջության մասին:
3. Բացատրել գրաբարյան նախդրավոր կառույցները:
4. Ընդգծել այն տողերը, որոնք բացահայտում են ժողովրդի վերաբերմունքը Վարդանի հանդեպ:

III խումբ: Տեխս **III**

- Այս գիշեր և վաղը այլևս մենակ եմ այս վիթխարի ուժի առաջ: Որքան և դաժան է, բայց ասեմ հեռարիտը: Բուր հնարքներից մե՛կն է միայն մեր ձեռքին՝ տալ թե՛նամուն անսպասելին: Այդ մտքով էլ գալիս էի հանապարհին: Գագանին խոցել, ոչ սպանել: Այո՛, տիա՛րք, նրան սպանելը վեր է մեր ուժերից: Կարելի էր խոցումը հանկարծ, արագ, անհնարին ուժով: Խոցել նրան ի մահ այստեղ, քաշվել և գցել հետևը... Թող գա մեր հետևից արյունաքամվելով: Խոցումը կտանք միջոցից (կենտրոն), որտեղից նա չի սպասում: Կախվեցե՛ք թևերից այդ պահին ամեն գոհի գնով ու առաջ, ոչ հետ: Խոցվելուց հետո արդեն թե՛նամին կատաղած կընկնի մեզ վրա, և այստեղ է փորձությունն ու հանճարը. Սկիզբ դնել կանոնավոր, մաշիչ արյունաքամ նահանջի: Տոկացե՛ք: Թող ողջ Հայոց աշխարհը տոկա և կովի այնուհետև շարունակաբար, անվերջ, լեռներում, կիրճերում, ամենուրեք: Ահա մեր վերջին փրկությունը, կասե՛մ՝ հաղթությունը: Հավատացե՛ք սրան:

Հարցեր.

1. Բացատրել Վարդանի ռազմավարությունը:
2. Հայոց եկեղեցու պատմության դասերից հիշել հայ զինվորականության վարձակառուները:
3. Փորձել ֆարսեզագրել Ավարայրի հակառակորդ ռազմական գործողությունների ֆարսեզը:

4. Դարձյալ հայոց եկեղեցու պատմության դասագրքից վերհիշել օտարների գանահատականը հայ ժողովրդին:

IV խումբ: Տեխս IV

... Վարդանը արագ նայեց Ատոմին, Համագասպին, Արշավիրին: Ո՛չ, չի կարելի նրանց գոհել վտանգի խաղին: Իսկ վտանգը ստույգ էր: Նայեց Զոհրակին (որդուն): Նրան կարող էր վտանգել: Ոչ ոք չի խորհի կշտամբել իրեն: Եվ նա դարձավ որդուն.

- Վերցրո՛ւ Մամիկոնյան գորագնդից մի ջոկատ, շտապի՛ր մյուս ավը և կա՛ց ցնոր հրաման:

- Սպարապե՛տ, խնայի՛ր, - դիմեց Արշավիրը:

- Լո՛ւ, - սաստեց Վարդանը նրան անհասկանալի վրդովմունքով:

Զոհրակը, սողավարան ուղղելով, իջավ բլրակից և ցածուն միամիտ և հավատող աչքերով մի անգամ վեր նայեց հորը, հեզ ժպտաց և սլացավ իր թիկնապահի հետ: Վարդանը նայեց նրա հետևից, և նրա սիրտը մրմնաց: Այդ ժպտի և հայացքի մեջ մի բան կար Զոհրակի մանկությունից: Կարծես մանուկ Զոհրակն էր, որին ուղարկեց մահի դեմ, և նա գնաց՝ չիմանալով այդ, միամիտ, վստահելով հոր անվտանգ տնօրինության: Վարդանը լավ էր հասկանում այդ. Իրոք, իր գավալիին ուղարկում էր ստույգ մահվան:

Հարցեր.

1. Ո՞ւմ գոհեց Վարդանը հանուն հայրենիքի:

2. Հիշել հայրենի հողի գործության օրինակները հայ գրականությունից

3. Հիշել հայրերի և որդիների հարաբերությունը բացահայտող դրվագները հայ գրականությունից:

4. Բացատրել «ցնոր» բառի կազմությունը, նման օրինակներ հիշել:

Խմբերի պատասխանները լսելուց հետո ամփոփել դասը հետևյալ հարցով. «Ո՞րն է հայ ժողովրդի կենսունակության գաղտնիքը» և ավարտել միտքը.

ա. Պատմական Ավարայրը...

բ. Գեղարվեստական Ավարայրը...

գ. Ավարայրն իմ պատերազմամբ...

Տնային առաջադրանք:

Շարադրություն՝ «Պատմության փառուղիներում»:

